

三水縣志卷之二

文林郎知三水縣事閩溫陵林逢泰重修

儒學古延州王探分校

邑人文倬天編纂

張 傑

同訂

文龍軒

地理

昔魏校地理之說以爲天文起於東南角宿而西北爲天門崑崙發於西北軋維而東南薄大海此天地相逆以成造化焉故地理必逆以固其氣大

三水縣志

卷之二

一

逆則氣以大聚小逆則氣以小聚自然之理也幽之地絡本於分水嶺則南北也嶺西有慶州逆折於密須爲北幽自西而南逆結於濛縣甘泉爲南幽原陁各九而三水據山川陰陽之會爲中幽又鎮以石關鑱以九嶷地之氣亦以逆而聚之其間廣平爲原下溼爲陁土厚而水深西漢地理志曰秦地天下三分之一而人衆不過什三此地滿而難爲理境曠而難爲防也志地理

里甲

周制以五家爲鄰五鄰爲里四里爲族五族爲黨

五黨爲鄉鄉萬二千五百戶也同力合作以相守望今之邑必有里合十甲以編之殊異古制則力役粟米所取資焉三水自明成化肇造時爲一十六里至弘治歸併一十二里崇禎辛巳兵荒薦臻次年又併之有八里曰蒲村曰椒村曰職田曰金泉曰原得曰義豐曰南宮曰北宮今入邑版圖云

鎮市

周禮地官遺人凡邦野之道十里有廬廬有飲食三十里有宿宿有路室路室有委五十里有市市有侯官鎮其廬宿市之類也所以相民宅待行旅

三水縣志

卷之二

二

防厥不虞焉

職田鎮在邑東北三十里唐時以爲縣至憲宗復移舊治今城三里相傳爲尉遲敬德務農處廟址存焉

張洪鎮在邑西三十里城週二里三分

土橋鎮在邑西南四十里當古公原之衝

底廟鎮在邑北五十里城週二里二分

太羽鎮在邑北二十里城週二里三分舊爲鎮今無集市矣

舖舍

三水之舖十有四所以備傳遞郵命以需急務而東則三舍西則二舍南則四舍北則五舍悉統於邑承發之總舖庶無曠事焉

東路有萬壽舖職田舖北坡舖達馬蘭以通榆林西路有魏落舖原得舖以達邠州

南路有甘峪舖姓家舖排沙舖土橋舖以應淳化

北路有馬坊舖大羽舖甘家舖長嶺舖三家舖以接慶寧

關梁

天文斗六星曰關梁牛六亦關梁天蓋示人以設

三水縣志

卷之二

三

關造梁爲建邦大政以關所以詰奸梁所以濟人者也關三面阻乎深溝獨東置石門關以稽營西造聚珍橋以濟衆柰日久廢弛允爲缺典倘仁人君子復起而重建之於以惠斯民良够也

石門關在邑東南兩壁如門甃石爲城舊設巡檢司

守之盤詰奸細又於嶺上築岸門重關之險東方

之屏籓也

今巡檢司久廢關以外乃耀淳宜同四州縣交錯之地

聚珍橋在邑西志岐門外舊邑尹秦渠建造雖西溪

洪流汜濫利有攸涉也

今橋圯址存

便橋連西城通雙槐堡明末高邑侯創建年久水衝

崩康熙乙卯林邑侯重加修葺名曰縣橋甃石架木上設堞牆以防不虞

泃水橋在邑南門外夏秋泛漲冬月架木爲梁民不病涉

土橋在鎮城東西門外東之大橋久圯工大難成土人夾溪築小橋行旅便之其西橋數十武今亦崩壞林邑侯捐貲募脩以通往來

細腰橋在縣西四十里接邠州界長六十餘弓平接兩岸細如蜂腰故名

道里

三水縣志

卷之二

四

司險掌九州之圖周知山林川澤而達其道路使人利有所逞况古之道有委積以惠及商旅哉二水之幘幅不踰百里其北抵朔方南接商顏西通金城東距五原可指掌而悉也邑之東九十里爲宜君界又七十里至縣西四十里爲邠州界又三十里至州南五十里爲淳化界又五十里至縣北五十里爲真寧界又十里至縣東南一百五十里至耀州自東而達會省不過三百里通畿甸亦不過三千里也

文倬天曰嘗讀幽風幽頌咸無道及地理者歎

雅一章可據以攷其木末水濱之所在按地絡而
詳徵之三水卽公劉所立國於幽谷之地而朱子
幽風註以爲在三水者爲幽地之有巘有岡有原
有陁有泉有澗其土之廣平爲原水之入地百尺
沮洳者爲陁傍陁之潛者爲澗故邑城統澗以依
水也郊里棲原以順宜也石門崑結於邑東漢武
以此立關卽所謂巘也巘爲幽邑之鎮而陶復陶
穴固自在谷中蓋古公之舊俗陶穴者言土陶復
者言石石可穿而居如飛雲諸洞是也谷中卽陁
也陁上之溥而平者是稱溥原溥原之東有細瀆

三水縣志

卷之二

五

以扼分水嶺之吮設鎮以職田其西有細腰以抵
水滸之衝設鎮以張洪其北赤坂以樹密姑之障
設鎮以底廟而原陁之半有太羽以申控之若各
鎮設防以禦洵三面之籓翰也矧土橋又鼎峙於
古公原以屏其南形勝之家相其建邦之得地勢
如此且邑背雞阜之京者抱乎其東面坤水之師
者環乎其右所謂京山而師水京師之野可爲處
爲廬而居焉禹貢雍州原陁底績鄭注曰其地在
幽故幽之地一原一陁交錯而爲田詩之度其原
陁者其陁可以收流泉之利其原可以待徹田

法惜乎。下。而原以傾側陁以險蹶之不可爲
轅爲限也夕陽之地邠州以西自涇至於汭外者
古人皆歸於幽此其居之所允荒歟聊爲之詒以
補丹淵集白虎通所未悉若夫防禦之策則先有
太青世父之幽防議及今林邑侯之詳文在

山川

昔虞帝封十有二山濬川是山必表之以爲鎮川
必通之以爲利也禹貢則九山刊旅九川滌源於
以祭告而濬導之爰作平國紀焉雍州之山川亦
在虞夏封濬之內而幽之形名山亦名水自公劉

三水縣志

卷之二

六

景岡而瞻泉相乎陰陽以眎寒燠之宜觀乎流泉
以登灌溉之益爲授民定居計也陟石門之高巘
而睇谷中之百泉再登南岡邑前之翠屏垂於水
口迺觀京岫邑東之雞阜俯乎汎干皇澗之環於
其後而過澗之繞乎其右也京丘之山水多人跡
之罕及者卽就目耳所閱一爲撝拾曰山曰嶺曰
洞曰巖曰峪曰川曰泉曰河曰澗曰湫蓋未可縷
數焉志山川

幽山

石門山

石門山。名堯門堯鑿之以洩洪水至漢更名石門

在邑東南爲幽國之鎮高峻棟夫對峙如門以漢武於此立關而爲名也子午之脉隆結以爲峯焉又太青題云唐堯帝鑿關門通雍州之至界周武王陟幽阜望雒邑之絕峯

肖瑄山在邑之東形似毛縷浮圖直聳干雲巍峨礙日亦石關之支也

石甯山亦名馬關在邑東十五里三面壁立如削一徑蜿蜒若螺水經其下灣環而回抱可立砦以禦真焉

雞阜山在邑東里許舊縣之城址在其前焉盤迴三水縣志

卷之二

七

如螺突聳若壁俯眺邑隍錯以繡葦侯君集之塚當其麓

翠屏山亦名掛榜幽雅稱爲南岡者蔽邑城其若屏鑠水口以如礪蒼翠欲流迺一縣勝地峯尖有孫真人行祠元夕並二月二日山布燈燦若列星焉

焦家山在掛榜之南五里荒門湧地以起極目荆榛迤東北則萬壑競秀也

家山自石門之北而折入焉林木陰翳千巘環拱不復有平壤矣

蘭陵山抵邑六十里日出岫山丹霞掩映誠羽容之
翳宅與區灑然出塵墟外

林山在邑東七十里因上有舊建茂公祠而得名
也祠雖久廢吞雲吐霧若有靈氣磅礴焉

鳳凰山在邑之西北隅岡若鳳形舊有阿陡堡建於
其椒今廢址猶存

蟠龍山去邑三十五里蜿蜒盤礴於夕陽之東北繞
疆土而廻翔之則幽之形勝也

劉家山在邑東四十里舊有炭窠歲供埵場邑民資
之康熙寅卯秋雨崩陷遂失其利

三水縣志

卷之二

分水嶺當邑之東北九十里為幽山之祖亦幽水之
母也其嶺上接子午北入大漠嶺東為延州西為
慶州慶之九川畫地而為幽

堡嶺在邑東三十里即漢之左谷後秦魏武王姚襄
立寨三百六十而堡嶺其一也嶺之連蜷似龍

有元人解建蘭若形勝殊奇而支之傍出者俗名
龍觜孝子文少蒼易名龍山種側柏千株翠色欲

滴清泉瀉以百尺峭壁峙其三面攬勝探幽者
屐不絕文倬天有龍山入景詩以紀其事

中嶺在堡嶺之右巖覆數丈可蔽風雨其麓有官家

桑村二洞陶復曲折宋元明之士民多避烽其中
攢天嶺在石門之南峻轟切雲湍回以登巍乎若上
天門之九關也文太青過此改名們天有詩見後
官家洞亦名飛雲洞在中嶺之下即古公時之陶復
陶穴者陶穴則土而陶復則石也峭壁危巒不可
攀援村人辟兵於其中少恭文和一所稱棧道連
雲石梯落霞爲鏡以碣記之

桑村洞在官家之左或爲元西臺御史桑哥失里所
穿門依碧流崖懸柏靄久爲攬勝者所取

趙家洞亦名琅天去邑二十五里光祿文太青生於

三水縣志

卷之二

九

洞陽之柏下其巖深長寬平可作檻以眺遠爾有
石屋日月時入其牖烟雲常繞其梯文龍軒爲賦
以紀之

流石洞在琅天之右洞開谷中環繞如城面外巖對
峙爲門遠睇曲水平田悠然有枕流之思

白石洞在邑東七里文倬天種桃百株於其麓改名
爲桃源洞春月紺紅如錦清流若帶奚翅武陵焉
黑石巖在邑東南五十里巖色黝澗似漆壁立萬仞
林木陰翳人跡所罕到

觀音巖在趙洞之左谷中上則藤蘿垂蔭下則蓮漪

紆曲且石室階下霽湫清湛深不可測凡遇曠輒
析而輒應

白虎峪在邑西北一十五里即唐鄭谷詩所謂峪語
白虎藏岩洞是也茂草四圍長峪七折野境殊爲

幽清

甘峪去邑十里爲赴省孔道商旅所達還焉水曠高
低衢柳參差南上五里之長坂通乎古公原

幽水

汎川在邑城外抱乎南闔見於許氏說文亦名師水
取地中有水師之義也灌溉川田民獲其利過邑

三水縣志

卷之二

十

四十里以入於涇

七里川在邑東南接壤其坪壟爲寧谷驛山廻而水
折去佛面坡不遠乃山徑之中途

勅脩川在邑東北爲後秦姚襄而得名也其源出於
水嶺經乎延川湖泮南彙合皇澗達於涇水

皇澗在邑北二十里當溥原之後澗大故稱皇可苑
而居也俗訛名爲唐川

過澗亦名梁渠在邑西北一十八里即交與可所澗
集所稱三泉之炭泉者澗起於溥原自北而西而南
過其境爲之過澗焉又北隸渭汎川及兩澗道三

水之總名也

稍泉在邑南磯頭之隈地湧二泉突出水面波底之石玲瓏如峯泉內之流清冷若玉有螭蟻產於涯間

白馬泉源出於大像寺下其色紺碧每歲陰雨則伏而不流曠輒則湧而溢出人竟莫測其異

溫泉在寶峯峪中其流出爲溫涼河迺寒不漸蘊隆生涼且清甘如飴也以上三泉通志爲邑名所自起

玉泉在玉泉觀之左水冽而甘淵深丈餘水泮岸平

三水縣志

卷之二

十一

有物穢之則涸故以玉名之甲寅夏旱林邑侯禱雨於此立應

金沙泉在邑北一十五里其泉出半川溥原之下通志云昔有人飲此水見金色燦爛故名之唐鄭谷詩謂地湧金泉過石門卽此也

堡嶺泉名龍泉亦名天池在堡嶺絕頂兩面石壁數仞泉自嶺上直流而下徑達堡中昔元人據堡嶺汲飲不斷者賴此

東澗河在城東賓陽門外清流如綫環堞而注於汛水昔人有導之以入城者今廢

西溪河在邑西志岐門外左繞城根右環槐堡學圃者多引灌爲利夏秋雨水澎湃橋宜防備

連家河在邑東十里發源石門繞申嶺北流入汎水凡山寇往來多經此路

觀音湫去邑二十里在石室之下深湛如淵豐草環翳凡遇天旱橋雨霧感或爲神龍之窟宅也

萬壽湫在邑東北二十餘里當羅遠兩川之交唐大曆八年因風雷湧聚而成淵

石門湫亦名乾湫在秦太子扶蘇廟之下林木芊葳曠輒祈雨屢效乃應如甘露或見於屋梁樹杪間

三水縣志

卷之二

十二

注之甌以禱此湫之神異者也李邑侯重脩其廟而懸之扁

古蹟

古之名山太廟所以稱勝於函夏者匪徒山之峙
關之流極天蟠地形勢之崇隘也蓋亦有神聖高
賢之遺蹟焉幽自公劉相陰陽於京野郇侯膏黍
苗於溥原三泉之名著丹淵之集雙槐之堡屯元
將之兵岫渚莽蒼精靈紆鬱其舊墟故趾鑿鑿可
探也語曰涉其故丘昔人昇遊睇於道周今人昇
諏未言流風瞻此都之可懷也雖古人興廢不能

無鶴歸華表之嘆其不并世俱徂者則惟其人志
古蹟

公劉京師之野在邑北漣原即半川原溼之中也後
皇澗而右過澗面南岡以居者

古公鄉在邑南三十里上連土橋迤南即公劉墓
郇伯封域即三輔圖所謂郇邑城在邑東二十五里
舊三水之廢縣在此

八王城在唐川中流之間爲後秦姚泓等故隍也舊
址猶存

扶蘇廟在石門山萬峯中兩壁峙立世傳秦太子扶
三水縣志

卷之二

十三

蘇授國典三物處死後成神人爲立廟廟下有湫
天曠禱雨即應

魏王樓在層巒疊嶂之中舊姚萇爲兄姚襄建豈四
圍竒峯環如屏帳迺大觀也

半川府在邑北十五里唐太宗關中設府兵二百六
十一屯此其一也以地當九原九陞之中故曰半
川以屯府兵故曰府左右寺院金石皆勒武義將
軍之號文少白之家卜居於此

隴川堡在半川之後四面壁立溪澗環之隋大業間
於此立縣堡北臨河傳爲四仙驛遺跡存焉

雙槐堡在邑西五十步四壁懸崖碧流東繞下有古槐一根二幹故名上有平地二頃官舍民屋卜居焉前高邑侯創始今林邑侯重脩已詳前志

兩女若去邑七十里地勢高聳路風之尖齊雲之影南望平行如列足下麓有兩塚存焉舊傳秦扶蘇

二女卜葬於此

秦塋在邑城東北隅高十五丈七級八角二十四窻

甃砌甚工其陰建寶塋寺

舊志載唐吐蕃入寇塋經火焚積久損傷塋遂東斜萬曆間邑人文運開葺之順治甲午六月十日地震震仍端正如初辛亥舊屯廳沈光禧聞其勝槩捐資築垣邑士庶因重脩焉登棚連梯陟巖眺遠

三水縣志

乃一邑奇觀

卷之二

十四

少塋在邑西寶峯院前朝納磯頭之雲夕迎翠屏之

月長河環抱景致殊幽

惠濟院在兩平村傍金大定三年勅建今雖荒廢而有布金之遺踪云

洪福院在邑南十五里有鏡以文有石以記雖天琴久沉而故址可思

大像寺去邑東里許金大定元年脩建基踏高阜俯眎邑城若繡齒焉白馬之泉源出其麓翠屏之岫

雲邏其前昔為邑僧會司 久廢

真塏寺在秦塏之陰浮圖峙面崇岡枕背佛殿軒麗
紺馬翱翔時有高僧托足亦幽谷之叢林也

舊址頗廣相傳為唐時大和經火無存天啟六年
邑人文毓鳳岡諸生王遂昌張心昌等相地鳩工
建殿五楹莊嚴佛像康熙丁未邑衆
又建大悲佛母堂三間地藏殿一座

寶峯寺在邑西温凉河之上唐太和三年建師水東
奔而回抱赤嶺西繞以盤紆可以眺遠

金泉寺以金沙泉獲名在半川府之東中有偃蓋之
松亭亭獨秀法蓮白象地布黃金一方資為福地

洪仁寺在青冑原唐時勅建遠山含青以曲繞春原
展翠以參差頗堪寓目

三水縣志 卷之二 十五

淨土天王寺在邑南三十里宋淳化三年勅建界開
人天法衍龍象碣記出自御製地勢蓋崇隆也

福延寺在邑東北五十里北週二十畝金大定三年
勅差侍郎阿典建內有古松一株蒼翠欲滴遠望

有凌空之致

莊嚴寺在前涇陽邨大元七年勅差中書省右丞周
德建遠睇平田川原交錯成景致焉

龍巖寺去邑東南四十里金大定五年耶律監造紺
碧繡錯今雖荒廢而遺址尙宏敞也

悟空寺俗訛為無功寺在邑東四十里千尺石崖穿

鑿爲洞長五丈濶三丈陶復石室聯絡七所匪徒爲禪關亦可以避兵也

堡嶺寺在邑東三十里元人勅建一徑通乎嶺巔常霏花雨三面繞乎河帶時聞天琴前泉流玉後岫列屏洵爲勝地又有高僧超公延安人卓錫於茲寺閉關焚脩八十年所一日沐浴合掌書偈貽弟子曰八十年來如掣電臨行與汝通一綫形骸脫落如金蟬一性圓明空裏現四海無若似片雲十方世界遊履轉遊履轉見不見倒騎泥牛入衲殿書畢涅槃而逝今遺龕猶存焉

三水縣志

卷之二

十六

王泉觀在王泉之右故名內有古柏數株溜雨參天森然如虬龍之蜿蜒儒學劉翀有詩以紀之

附墳墓

侯君集墓依雞阜山爲唐之勳臣遺墟獨存不見存翁仲云

馬沼墓在邑東北十里其堡頭誌石因崩而出居民毀之

范祥范育墓俱在縣南原太慈村二塚相望舊碑歸然

第五均墓在邑西三十里蒲東舍之間按第五氏墓

表云先世出齊田橫之後諸田徙圍陵者多故以
次第爲氏禮雲陽靖川人後徙三水子孫因以爲
家焉

五女塚與第五氏墓相比元祐間碑文在其塚內未
審何故也

文儀部少白墳在縣北南宮之文林左環白石嶺右
遷東澗河屬艮山支龍以隆結焉

文少叅和一墳在半川之東南二里艮龍結脈坤水
開堂塚左側有孝子少蒼廬墓三年之遺跡存焉

劉儼墓在縣西蒲泉舍康熙十年奉勅諭祭葬建
三水縣志 卷之二 十七

塋立碑以旌其忠節

田賦

周禮以九賦歛財辨五曰邦縣之賦制自冢宰而
大司徒又以土均之灋辨五物九等王天下之地
征以收財賦咸宗禹貢以齊厥政也禹貢雍州厥
土惟黃壤厥田惟上上厥賦中下今之幽土稱原
墜同乎下下其賦不翅上上是以民流地荒斃於
鞭笞而求豁無策矣幽稱原墜之野者以其高爲
原其下爲墜幽有九墜而邑當其中墜則其復穴
之隩也自墜登原則爲四閭之田從原下墜則有

川澤之賦凡側蹶之坂樵牧之地盡坐之以糧公
劉徹田之澆不可復覩矣志田賦

地糧

考舊志自成化立縣之始載地七千頃內有
山嶺水灘原不行糧之地後增宗米與夏蘭
紅古倉之改徵布價又那倉之秋糧司庫之
佃糧靈臺之倉口俱改蘭州增銀二千四百
四十餘兩萬曆間馬州判丈地妄報山溝增
地二千二百頃通計地八千二百餘頃額糧
二萬六千餘石及明末兵荒疊
臻累年賦通無庸備載今依

國朝賦役詳
列於後

原額五等其地八千二百二頃四畝九分五釐
不同其額糧二萬六千一百七十二石七斗五升

三水縣志

卷之二

十八

七合九勺零徵銀二萬七千四百四十兩三錢六
分零順治七年免過荒地四千五百九十五頃八
十五畝五分二釐二毫免糧一萬四千六百一十
二石六斗二升三合九勺零除銀一萬五千三百
二十兩三錢四分五釐零康熙八年秦屬蠲免案
內免過興屯捏報地四百七十六頃四十九畝二
分零豁糧一千四百三十八石一斗七抄零除銀
一千五百七兩六錢四分五釐零

實在地三千一百四十九頃七十畝一分六釐
在糧一萬一百二十二石一斗三升三合七勺零

徵銀一萬六百一十二兩三錢七分四毫零

今丙辰因軍需

匱乏議於鄉宦糧銀每兩加徵三錢惟生員百姓不徵

戶口

按舊志立縣後一千八百四十有二戶三萬一千三百八十有二口及裁併里甲逃亡六百三十餘戶邇年隣寇擾攘逃亡益衆古今之異盛衰之感能勿勤恤與

原額民戶三門九則共折下下門六千四百八十五

丁除優免四百四十三丁實行差六千四十二丁

內豁逃亡一千一百五十五丁秦屬蠲免案內免

招回虛捏七百四十六丁

實在丁四千一百四十一丁

康熙十一年編審新收四十一丁

三水縣志

卷之二

十九

徵銀九百四十兩五錢四分一釐零

今編審收除見在詳請

均徭銀原額一千二百一十八兩五錢三分一釐四

毫內除荒銀六百八十兩四錢一分零秦屬蠲免

案內免銀六十六兩九錢零

實徵銀四百七十一兩一錢六分五釐一毫零

匠價銀二十八兩二錢一分五釐

停免銀六十九兩二錢五分九釐六毫六忽

軍籍銀三百二十兩五錢四分六釐九毫八絲二忽

一徵九織八塵七渺

起運

按賦役舊書載起運內夏稅有寧夏鎮寧夏倉甘鎮永昌倉固鎮岷州倉固原州倉各處小麥折價秋糧有延鎮榆林廣有倉寧鎮大關堡倉甘鎮西寧倉甘肅倉固鎮蘭州廣積倉各處粟米折價又固原州倉延鎮神木倉馬草折價宗祿有韓府秦府瑞府祿米又有西安府常濟庫麥米益布并節裁九釐各等項名色今槩更名各地丁起運歷來皆徵折色起解自甲寅軍興改徵本色米豆草束有糧派銀派二項運納省倉及撥運各處軍前其徵折色僅十之一而民累益甚屢經詳請

地丁并裁克各項共起解銀一萬一千七百三十一

兩八錢五分三釐三毫二絲一忽五微六纖七塵

六渺

存留

三水縣志

卷之二

二十

古者設官授祿而在官者祿足代耕以及祭祀教養之儀經制甚備歷因兵餉節裁不一今以軍興槩裁克餉所留無幾故即原額而備志之

經費襍支等項共徵銀七百三十五兩六錢四分一

釐一毫九絲九忽二微二纖九塵二渺

經費

本縣知縣一員

俸薪油燭傘扇

原額銀七十五兩四錢九分內議裁除荒豁免外實徵并應增銀二十兩

五錢七分
三釐零

心紅紙張

原額銀二十兩內除荒豁免外實徵并應增銀九兩一錢四分三釐零

脩宅家伙

原額銀二十兩久裁

脩理倉監 原額銀二十兩內除荒豁免外實徵

吏書一十二名 原額銀九兩六錢又裁

門子二名 原額銀一十四兩四錢內議裁除荒豁免外實徵并應增銀五兩四錢八分零

皂隸一十六名 原額銀一百一十五兩二錢內議裁除荒豁免外實徵并應增銀四十三兩八錢九分一釐零

兩八錢九分一釐零

馬快八名 原額銀一百四十四兩內議裁除荒豁免外實徵并應增銀六十一兩四錢四分零

民壯五十名 原額銀三百六十兩內議裁除荒豁免外實徵并應增銀一百三十七兩一錢五分九釐零

釐零

燈夫四名 原額銀二十八兩八錢內議裁除荒豁免外實徵并應增銀一十兩九錢七分零

看監禁子八名 原額銀五十七兩六錢內議裁除荒豁免外實徵并應增銀二十一兩九錢四分五釐零

錢四分五釐零

轎傘扇夫七名 原額銀五十兩四錢內議裁除荒豁免外實徵并應增銀一十九兩二錢二分零

二釐零

庫書一名 原額銀一十二兩又裁

倉書一名 原額銀一十二兩又裁

庫子四名 原額銀二十八兩八錢內議裁除荒豁免外實徵并應增銀一十兩九錢七分零

斗級四名 原額銀二十八兩八錢內議裁除荒豁免外實徵并應增銀一十兩九錢七分零

典史一員 原額銀三十一兩五錢二分內除荒豁免外實徵并應增銀一十四兩四錢一分九毫零

俸薪 原額銀三十一兩五錢二分內除荒豁免外實徵并應增銀一十四兩四錢一分九毫零

書辦一名 原額銀七兩二錢又裁

門子一名 原額銀七兩二錢內議裁除荒豁免外
實徵并應增銀二兩七錢四分三釐零

皂隸四名 原額銀二十八兩八錢內議裁除荒豁免
外實徵并應增銀一十兩九錢七分零

馬夫一名 原額銀七兩二錢內議裁除荒豁免外
實徵并應增銀二兩七錢四分三釐零

教諭一員 裁缺

訓導一員

俸薪 原額銀三十一兩五錢二分內除荒豁免外
實徵并應增銀一十四兩四錢一分九毫零

喂馬草料 原額銀一十二兩內除荒豁免外實
徵并應增銀五兩四錢八分六釐零

齋夫六名 內裁三名原額銀三十六兩內除荒豁免
外實徵并應增銀一十六兩四錢五分零

膳夫二名 原額銀四十兩內議裁除荒豁免外
實徵并應增銀六兩九分五釐零

書辦一名 原額銀七兩
二錢八分

三水縣志 卷之二 二二

門斗五名 內裁三名原額銀一十四兩四錢內除荒
豁免外實徵并應增銀六兩五錢五分零

廩生二十名 原額銀一百九
十二兩八分

雜支

春丁并清明等節 原額銀四十二兩內除荒豁免外
實徵并應增銀二十兩三錢七分

六釐
零

秋丁并七月十五等節 原額銀四十三兩內除荒
豁免外實徵并應增銀二十兩

九錢三分
二釐零

鄉飲 原額銀六兩內議裁除荒豁免外實
徵并應增銀一兩四錢六分三毫零

脩理倉廩并舖墊板席 原額銀二十兩內除荒豁免
外實徵并應增銀九兩七錢

三分五
釐零

協濟邠州水北棗渠二渡水夫二名原額銀九兩六錢內議裁除荒

豁免外實徵并應增銀二兩三錢三分六釐零

解邠州船木原額銀二兩六錢六分六釐內議裁除荒

置買刑具原額銀一十兩內除荒豁免外實徵并應增銀四兩八錢六分七釐零

各舖司兵二十三名原額銀九十二兩內除荒豁免外實徵并應增銀四十四兩七錢八分

五釐零

鍾鼓樓更夫三名原額銀七兩二錢內除荒豁免外實徵并應增銀三兩五錢四釐零

解布政司紙劄原額銀五兩一錢內除荒豁免外實徵并應增銀二兩四錢八分二釐零

孤貧九名口糧原額銀二十五兩九錢二分內除荒豁免外實徵并應增銀一十一兩九錢八分

八釐零

三水縣志 卷之二 二十三

孤貧冬衣布花原額銀四兩五錢內除荒豁免外實徵并應增銀二兩八分零

走遶馬匹夫役工料原額走遶馬十匹擯轎夫二十名後截止留馬三匹驢四頭

馬夫四名擯夫三名原額銀四百七十九兩二錢內除荒豁免外實徵并應增銀一百五十四兩二錢一分八釐零今又裁驢四頭馬夫一名擯夫三名工料銀克餉

歲貢盤纏二年一辦每年原額銀一十八兩內除荒豁免外實徵并應增銀八兩七錢六分

二釐零

舉人盤纏三年一辦每年原額銀一十二兩內除荒豁免外實徵并應增銀五兩八錢四分

一釐零

進士坊價三年一辦每年原額銀一兩五錢內除荒豁免外實徵并應增銀七錢三分一毫零

毫零

以上經費襍支等款除儲司兵工食紙劄春
秋丁祭夫馬工料孤貧糧布半裁外餘全裁

驛站

漢屬武關驛協站銀六十四兩一分一釐一毫零裁入

起運

歸泚府屬狄金二縣驛站銀二千一百六十七兩六

錢八分八釐五毫零裁入起運

鞏司清水所夫牛工料銀三兩三錢五分七釐五絲

裁解克餉

課程銀一十六兩三錢入起運

換帖銀一十一兩七錢解克餉

三水縣志 卷之二 二十四

學田原額地上下不等共二頃七十一畝零徵租麥

一十石四斗五升八合五勺穀一十石四斗二升

八合五勺此項原為賑給貧生之需餘者變價克餉今議全裁

畜稅原無定額因集市盈虛收稅多寡儘數起解今遭寇變城鎮虛耗矣奉文議增見在詳請

地稅舊額三十兩嗣奉督憲鄂題請以地稅不宜定額儘其所得起解民甚便之蓋三水土瘠賦重買置增也今照江南例

小縣議增二百兩見在詳請

鹽法額引六百張本縣食河東鹽山溝間阻商販不至募里民八名接賣銷引近林邑

侯招商運鹽按季銷引民始稱便

茶法本縣山僻之邑民不嗜茶路不通馬因於其較功次頗以捏報為累

幽外史曰三水古幽谷柵邑雍州所為原隰底績

者是也攷神禹則壤之年懷襄初平宜於西北之
高燥不宜於東南之卑濕故雍惟上上而楊惟下
下今則高燥變而磽坼卑濕變而膏腴雍之黃壤
不及楊之塗泥矣原者變爲溝渠濕者變爲澗壑
幽之峭寒又不及秦川大邑之沃衍矣篤公劉之
篇曰幽居允荒蓋統三幽而言之故地廣民稠也
今則民逃而地荒矣又曰徹田爲糧言上有公田
之養下無私田之稅故其蓄積足恃今則履畝加
稅而二猶不足矣幽風之二章曰爰求柔桑其三
章曰八月載績今則不桑不麻休其蠶績矣漢隋
三水縣志

卷之二

二十五

宋元以來史稱其力穡務本俗尙勤儉者非盡天
性良由地勢使之然也幽處叢山荒谷之中幅隕
不踰百里而溝嶮嶺灘居其強半側蹶陡确草結
石埒麥豆穀蕎而外百無一產居乏懋遷商販裹
足不前民貧賦逋多流亡而鮮土著職此故也明
自成化置縣以水川原坡塹五等爲則而飛灑影
射畝科失實賦之不均自此始其後沿至嘉靖一
變於五項之改添嗣至萬曆再變於均丈之妄報
地止七千頃而科糧增至二萬六千有奇實倍於
秦川大邑之右賦之重以益重而民之逃以益逃

雖十六里節裁爲八里然里裁糧未裁也我朝薄賦蠲征豁荒糧萬四千六百餘石善矣嗣而順治十三年以興屯捏墾復爲民累至康熙八年始豁虛糧千四百三十餘石民困其少蘇乎乃續荒九百八十餘頃以造冊愆期不得與秦屬一例蠲免者幽民抑何多不幸也邇自甲寅軍興改徵本色撥運省倉及軍前蜚輓維艱且派夫百六十名從陳倉運至漢川費更數倍乙卯歲派車七十九輛因疊溝懸崖從無車載每輛折夫二十名運抵涇平兼之寧寇焚掠逃亡八百餘丁名雖八里實

三水縣志

卷之二

二十六

去其半今丙辰歲復派夫驢一千四百餘名從雲棧黑水大泥三路進勦隨軍蓐食爲期尙賒其爲費不貲約畧計之三年之間浮費不翅與正賦等而且間架有稅矣地稅議增矣額外之供億日繁而額內之存留者槩裁克餉矣嗟嗟以萬有餘兩之正供尙苦莫支矧益之以慘遭寇掠費糜千萬匪從天降匪從地出民生之膏血幾何竊恐民逃者之不至盡逃地荒者之不至盡荒不止也司牧林邑侯勞心撫字屢牘請豁雖持籌者心俞其艱苦而軍興旁午安能使之足民而兼以足兵裕食

而兼以裕餉也其亦處于兩窮之勢矣乃民苦賦而重苦之以鹽法茶政也則尤有可議者山僻而招商不至民貧而運鹽無資銷引踰期食淡者衆是食河東鹽不如食花馬鹽之較便也又况半菽不飽何知春芽羊牛無牧誰畜龍友指子虛爲私販以烏有爲功坎種種苦累是在善後者之變計耳總之古此枸幽今此枸幽也地瘠賦重而民以窮民窮而戶以逃戶逃而地以荒地荒而賦以適始之累民而寃至於累官顧安得公劉之篤愛樂伯之陰膏早爲之計或豁其荒糧或蠲其遠運而

三水縣志

卷之二

二十七

風俗

孝經載孔子之言曰安上治民莫善於禮移風易俗莫善於樂禮節民情樂和民聲政以行之刑以防之禮樂政刑四達而不諄則王道備矣周元公爲冢宰時爰制禮樂以輔成王述后稷公劉之化廼作豳風以戒之厥後仲春擊土鼓飲豳詩以逆暑其仲秋迎寒亦如之所以知天時而授民事上以誠愛下下以忠利上祭祀有時燕饗有節王化

行而風俗之美如此語曰百里不同風千里不同俗豈限於高山大川之風氣而習俗亦隨之變異哉志風俗

交際

戴禮曰凡交際者七介以相見也不然則已慤三辭三讓而至不然則已蹙甚矣交必以恭也幽人之初謁長相也必以幣以程久則差之至於吉禮則布帛兼餽凶禮則以牲食恒儀則以羊醴從其質也

婚禮

三水縣志

卷之二

二十八

釋名云婚者昏時以成禮也古者有問名文定之禮有納采行幣之典及期有奠鴈親迎之儀不相賣也今幽之士大夫家有遵文公禮以行猶不能盡合也至於比閭弗克舉者助以成儀亦有爭其財禮互相詬詈者失厥古風宜痛革之

喪制

檀弓述孔子之語曰三年之喪吾從其至者謂其自盡也而服間又謂斬衰唯而不對齊衰對而不言其哭若違而不反也大功言而不議三曲而儗小功總麻議而不及樂哀容可也禮則有不可踰

者關之士大夫依家禮以行者有之至於齊民信
堪輿盛幡幢浮費無益亦有守制衣帛拜喪婚娶
司風憲者當釐其弊焉

祭祀

易云王假有廟致孝享也尚書又云鬼神無常享
享於克誠誠敬也而孝亦爲敬惟敬以用享則唯
馨之薦矣至於葬祭之禮文太青酌文公家禮分
以三獻幽之士大夫有遵以行者若夫寒食掃墓
孟冬送衣長至元旦設位祭享士庶兼行焉

幽風八章

周公以成王未知稼穡之艱難故陳
后稷公劉風化之所由使替矇朝夕

三水縣志

卷之二

二十九

諷誦以
戒之

七月流火九月授衣一之日麇發二之日栗烈無衣
無褐何以卒歲三之日于耜四之日舉趾同我婦子
饁彼南畝田畯至喜

七月流火九月授衣春日載陽有鳴倉庚女執懿筐
遵彼微行爰求柔桑春日遲遲采繁祁祁女心傷悲
始及公子同歸

七月流火八月萑蒿蠶月條桑取彼斧斨以伐遠揚
猗彼女桑七月鳴鴈八月載績載公載黃稊朱孔陽
爲公子裳

四月秀蓂五月鳴蜩八月其獲十月隕釋一之日于貉取彼狐狸爲公子裘二之日其同載纘武功言私其縱獻豸于公

五月斯螽動股六月莎鷄振羽七月在野八月在宇九月在戶十月蟋蟀入我牀下穹窒熏鼠塞向墜戶嗟我婦子曰爲改歲入此室處

六月食鬱及薺七月亨葵及菽八月剥棗十月穫稻爲此春酒以介眉壽七月食瓜八月斷壺九月叔苴采荼薪樛食我農夫

九月築場圃十月納禾稼黍稷重穋禾麻菽麥嗟我三水縣志

卷之二

三十

農夫稼稼既同上入執宮功晝爾于茅宵爾索綯取其乘屋其始播百穀

二之日鑿冰冲冲三之日納于凌陰四之日其蚤獻羔祭韭九月肅霜十月滌場朋酒斯饗曰殺羔羊躋彼公堂絜彼兕觥萬壽無疆

篤公劉六章

召康公以成王將蒞政當戒以民事故咏公劉之事以告之

篤公劉匪居匪康迺場迺疆迺積迺倉迺裹餼糧于橐于囊息輯用光弓矢斯張于戈戚揚爰方啟行篤公劉于胥斯原旣庶旣繁旣順迺宣而無永歎陟則在嘯復降在原何以舟之維王及瑤鞞率容刀

篤公劉逝彼百泉瞻彼溥原乃陟南岡乃覲于京京師之野于時處處于時廬旅于時言言于時語語篤公劉于京斯依蹌蹌濟濟俾筮俎凡既登乃依乃造其曹執豕于牢酌之用匏食之飲之君之宗之篤公劉既溥既長既景乃岡相其陰陽觀其流泉其軍三單度其隰原徹田爲糧度其夕陽幽居允荒篤公劉于幽斯館涉渭爲亂取厲取鍛止基廼理爰衆爰有夾其皇澗迺其過澗止旅廼密芮鞠之卽

幽外史曰籥章獻幽詩卽七月之篇而幽雅幽頌獨缺鄭氏三分其篇及變音節之說未有考據或

三水縣志

卷之二

三十一

以楚茨四篇爲幽雅思文良耜諸篇爲幽頌朱子猶疑之姑闕焉可也然周自公劉遷幽厚於民事克篤前烈王化所由起篤公劉一什所云嶽澗隰原與幽相協朱考亭之釋幽谷蔡仲默之釋雍原殆本此歟故錄繼幽風以志幽立國之始云

文倬天曰周之天下列爲十五國而國各有其風與俗焉諸侯每歲采之以貢於天子天子受之以頒於樂官於以考其俗尙之美惡而知其政治之得失也漢書曰幽風一詩言農桑衣食之原甚悉力穡務本其民有公劉遺風而隋書又言幽人敦

龐務農業而尚蓄積宋志云幽之士困磽瘠其俗
貴乎勤儉穆然見一十五國之風惟幽爲醇幽自
公劉立國之後風俗淳厚上下之情交相忠愛周
公攝政采其風化被之管絃令瞽矇朝夕諷誦以
戒成王使知稼穡之艱鷄今之俶載者建寅以序
具仲春則播菽亦于耜舉趾之遺也亞旅力耨主
伯以儲其風猶存倉庚載鳴女之執筐求桑無幾
數年以來比戶學紡而篝燈以織庶乎卒歲之有
資其載績之義乎初夏而厥秀惟萋盛暑而厥鳴
惟蜩鬱奠之可食去寒似遠不知純陽以歷一陰

三水縣志

卷之二

三十三

四陰龜冬之計宜預謀也大火西流授衣伊始棗
可剥也稻可穫也爲酒以供老翁賓而瓜壺苴荼
備農之恒食幽人長少之有節如此又絕陰之月
納稼畢而大寒留期群入以執官功薰鼠使不得
穴其中室穹使不能導其風禦寒之術較密又赫
北之牖塗戶之踈招婦子以室處愛幼之義每歲
行之及滌場而鄉飲之禮肇舉兩尊敞於房間而
羔羊朋酒躋公堂以稱觥曰萬壽無疆其忠貞之
奉乎上者又無窮也公劉之遺澤及幽而有以變
其俗閱十三世元公采之作幽詩以風後世至宋

